



SIPA uhapsila šest bivših pripadnika 505. viteške brigade

Eminić: Moji saborci su nevini, dokazat će to

Uhapšen i Zijad Nanić, rođak legendarnog komandanta Izeta Nanića, zatim Samir Isaković, Hasan Mustafić, Esad Kudelić, Senad Salkić i Nedžad Bapić

Policijski službenici Državne agencije za istrage i zaštitu (SIPA) jučer su na području Bužima i Bosanske Krupe uhapsili šest osoba zbog ratnog zločina. Radi se o bivšim borcima 505. viteške brigade koja se borila na svim krajiškim ratištima. Uhapšeni su Z. N. (1963.), E. K. (1966.), H. M. (1954.), S.


S. (1967.), N. B. (1975.) i S. I. (1971.) zbog sumnje da su počinili ratni zločin protiv civilnog stanovništva i ratni zločin protiv zarobljenika na području Bužima tokom 1994. i 1995. godine. Kako „Avaz“ saznaje, uhapšeni su Zijad Nanić, Samir Isaković, Hasan Mustafić, Esad Kudelić, Senad Salkić i

Nedžad Bapić. Uhapšeni se, kako se pretpostavlja, sumnjiče za ratni zločin protiv civilnog stanovništva i ratnih zarobljenika tzv. autonomne pokrajine zapadna Bosna na području općine Bužim tokom 1994. i 1995.

Uhapšeni su privedeni u službene prostorije SIPA-e, a nakon kriminalističke obrade predati su Tužilaštvu BiH na daljnje postupanje.

Edham Eminić, predsjednik Udruženja „505. viteška“, kazao je da održati sjednicu Upravnog odbora Udruženja.

- Kao predsjednik, smatram da su bivši pripadnici



Eminić: Neka institucije rade svoj posao

505. nevini, da su se borili za državu i to će i dokazati. Neka institucije rade svoj posao – kazao je Eminić.

Osumnjčeni Zijad Nanić, rođak legendarnog komandanta 505. brigade, rahmetli Izeta Nanića, tokom rata bio je pomoćnik komandanta brigade za bezbjednost, a trenutno radi kao savjetnik općinskog načelnika Bužima Agana Bunića. Kudelić je zaposlen na graničnom prijelazu Maljevac kao carinik, Salić je vlasnik mesnice u Bosanskoj Otoci, Isaković je pomoćni radnik u OŠ „Bužim“, dok je Mustafić nezaposlen. **M.DEDIĆ**

Maltretiranje autonomaša

- Vjerujem da se radi o navodnom maltretiranju zarobljenih autonomaša u prostorijama prijeratnog hotela Radoč, gdje je bila i komanda brigade - kazao

nam je jedan bivši pripadnik 505. brigade i dodao da njegovi saborci nisu bili ljudi koji su u rat pošli da zločinima krče slobodu.